

Vischnaunca Medel/Lucmagn



**Ordinaziun tier la lescha da turissem
per la vischnaunca da Medel/Lucmagn**

I.	Determinaziuns generalas	3
Art. 1	Intent	3
Art. 2	Egualisaziun dallas schlattineas	3
Art. 3	Disposiziun / intent da diever	3
Art. 4	Organisaziun / pensums e cumpetenzas	3
II.	Taxa da hospes	4
Art. 5	Register da hospes	4
Art. 6	Perioda da taglia / perioda da taxaziun	4
Art. 7	Fixazиun dalla taxa da hospes	4
Art. 8	Deliberaziun	5
III.	Taxa da turissem	5
Art. 9	Tariffas dalla taxa da turissem	5
Art. 10	Affittaziun buca commerciala	6
Art. 11	Perioda da taglia / perioda da taxaziun	7
IV.	Dessignaziuns communablas	7
Art. 12	Obligaziun d'annunzia	7
Art. 13	Definiziun casa da vacanzas / mises	7
Art. 14	Obligaziun da taglia duront igl onn	7
Art. 15	Taxaziun e facturaziun	7
Art. 16	Scadenza	8
Art. 17	Disposiziuns finalas e vigur	8

I. Determinaziuns generalas

Art. 1 Intent

En quest'ordinaziun vegn l'execuziun dalla lescha davart la taxa da hosphs e la taxa da turissem (LT) reglada ed ei vegn fixau las tariffas mintgamai valeivlas per las taxas.

Art. 2 Equalisaziun dallas schlatteinas

Vegn ei fatg diever en quest'ordinaziun da gruppas da persunas sco: possessur, locatur, proprietari, loschader ni semegliont, vala la denominaziun per omisduas schlatteinas.

Art. 3 Disposiziun / intent da diever

¹La taxazion e gl'incasso dallas taxas da hosphs e dallas taxas da turissem procura l'administraziun communalia Medel/Lucmagn.

²Las entradas ord las taxas da hosphs e da turissem, sco era la contribuziun dalla vischnaunca vegnan surschadas alla cumissiun Val Medel Turissem per diever tenor las prescripcziuns dalla lescha da turissem sco era davart l'ordinaziun presenta.

Art. 4 Organisaziun / pensums e cumpetenzas

Ils pensums e las cumpetenzas dalla cumissiun Val Medel Turissem, dil post d'administraziun „Val Medel“ e dalla canzlia Medel/Lucmagn vegnan definai sco suonda:

a) Cumissiun Val Medel Turissem

- Il president dalla cumissiun organisescha e meina las sedutas dalla cumissiun.
- Propostas strategicas ni decisiuns davart il svilup turistic dalla Val Medel en rama da lur cumpetenzas finanzialas (budget).
- Svilup da purschidas turisticas Val Medel cullas corrispudentas pusseivladads per la finanziasiun per mauns dalla suprastonza communalia.
- Elavurar il budget Val Medel Turissem, il qual vegn presentaus per l'approbaziun alla suprastonza communalia sco era alla radunanza da vischnaunca.

b) Post d'administraziun „Val Medel“

Il post d'administraziun „Val Medel“ vegn surprius dil responsabel pil svilup regional dalla vischnaunca ni dil president dalla cumissiun.

- Funcziun operativa e realisaziun dallas decisiuns strategicas dalla cumissiun
- Funcziun consultativa enviers la cumissiun turistica
- Menar il protocol dallas sedutas dalla cumissiun turistica
- Communicaziun anoviars (website, newsletter.....)
- Communicaziun cun pertadars da prestaziuns

- c) Canzlia Medel/Lucmagn
- Disposiziun ed incasso dalla taxa da hosp per notg e persuna
 - Contabilitad Val Medel Turissem
 - Administraziun e post d'informaziun turistic

II. Taxa da hosp

Art. 5 Register da hosp

Alloschaders el senn dad art. 9 LT che quentan giu la taxa da hosp per notg e persuna ein obligai d'impurtar l'arrivada e la partenza da lur hosp en in register da hosp.

Art. 6 Perioda da taglia / perioda da taxaziun

Las pauschalas annualas vegnan fixadas ed incassadas per ina perioda da taglia. Sco perioda da taglia vala gl'onn calendar. La perioda da taxaziun ei identica cun la perioda da taglia.

Art. 7 Fixaziun della taxa da hosp

Gl'alloschader sa eleger libramein denter la pauschala annuala ni il rendaquin per notg e persuna. Las tariffas per la taxa da hosp muntan:

a) Tenor pernottaziuns

- 1) La taxa da hosp per pernottaziun munta a frs. 2.50.
 - Elegia gl'alloschader la varianta „rendaquin“ per notg e persuna sto el ceder alla vischnaunca Medel/Lucmagn frs. 2.50 per notg e persuna.
 - Elegia gl'alloschader la varianta „pauschala“ sto el buca ceder alla vischnaunca Medel/Lucmagn ils frs. 2.50.
- 2) Ils alloschaders (art. 9 a) LT) pagan la suandonta taxa da hosp sco pauschala annuala:

hotels, per combra	frs. 200.00
habitaziuns da vacanzas, tochen 2 stanzas	frs. 90.00
habitaziuns da vacanzas, sur 2 stanzas	frs. 120.00
tegias da mises, pauschal	frs. 90.00
loschaments da gruppa, per plaz da durmir	frs. 20.00
plaz da campar, per di e persuna	frs. 2.50
bed and breakfast, per combra	frs. 75.00

b) Pauschala annuala obligatoria

La pauschala annuala obligatoria (art. 9 b) LT) munta:

- | | | |
|----|---------------------------|-------------|
| 1) | per habitaziun ed onn | frs. 200.00 |
| 2) | per tegia da mises ed onn | frs. 90.00 |

Art. 8 Deliberaziun

¹Damondas per ina deliberaziun cumpleina ni parziala dalla taxa per hosps ein d'inoltrar a scret e motivar alla vischnaunca resp. all'autoritat da taxaziun sil pli tard in meins avon la dimora dalla persuna ni dalla gruppda persunas.

²L'inoltrazion d'ina damonda da deliberaziun ha buca effect suspensiv. Aschinavon ch'ei vegn corrispundiua alla damonda, vegn la taxa da hosps ch'ei vegnida incassada en quei interval restituida parzialmein ni cumpleinamein.

III. Taxa da turissem

Art. 9 Tariffas della taxa da turissem

La taxa da turissem vegn incassada annualmein e munta:

- | | | |
|----|---|------------|
| a) | per tuts obligai ina taxa fundamentala da frs. 50.00. | |
| b) | per alloschaders tenor art. 13 lit. a) LT | |
| | hotels e pensiuns cun ni senza restauraziun, per combra | frs. 30.00 |
| | habitaziuns da vacanzas, casas da vacanzas e compras privatas, tochen 2 stanzas | frs. 50.00 |
| | habitaziuns da vacanzas, casas da vacanzas e compras privatas, sur 2 stanzas | frs. 80.00 |
| | tegias da mises, per tegia | frs. 30.00 |
| | alloschaments da gruppda, per plaz da durmir | frs. 15.00 |
| | bed and breakfast, per combra | frs. 30.00 |
| | camonas alpinas (CAS), per plaz | frs. 15.00 |
| | campadis, per plaz da durmir/plaz da campar | frs. 30.00 |

c) pils ulteriurs obligai da pagar la taxa tenor art. 13 lit. b) LT

Categoria 1

Contribuziun tenor occupai	tochen 3 occupai (tenor forza da laver reala)	dapli che 3 occupai (tenor forza da laver reala)
menaschis purils	frs. 40.00	frs. 140.00
corporaziuns d'alp cun vendita directa	frs. 40.00	frs. 140.00

Categoria 2

Contribuziun tenor occupai	tochen 300% plazzas da laver	sur 300% plazzas da laver
architects	frs. 50.00	frs. 140.00
coiffeurs	frs. 50.00	frs. 140.00
fatschentas da transport	frs. 50.00	frs. 140.00
fatschentas da victualias	frs. 50.00	frs. 140.00
fravias	frs. 50.00	frs. 140.00
garaschas/tancadis	frs. 50.00	frs. 140.00
impressaris	frs. 50.00	frs. 140.00
interpresa commercialas	frs. 50.00	frs. 140.00
interpresa da construcziun	frs. 50.00	frs. 140.00
mazlarias	frs. 50.00	frs. 140.00
mistergners pigns	frs. 50.00	frs. 140.00
offeriders da purschidas pil temps liber	frs. 50.00	frs. 140.00
posts da vendita	frs. 50.00	frs. 140.00
resgias	frs. 50.00	frs. 140.00
tetgers	frs. 50.00	frs. 140.00

Fatschentas ch'ein buca vegnidas numnadas vegnan classificadas dalla suprastonza communalia.

Art. 10 Affittaziun buca commercialia

Sut affittaziun buca commercialia ei il surschar gratuitamein la casa da vacanzas / la habitaziun da vacanzas ni il mises alla parentella, amitgs ni enconuschents manegiada. Affittaziuns buca commercialias ein deliberadas dalla taxa da turissem.

Art. 11 Perioda da taglia / perioda da taxaziun

La taxa da turissem vegn mintgamai fixada ed incassada per ina perioda da taglia. Sco perioda da taglia vala gl'onn calendar. Sco perioda da taxaziun vala gl'onn calendar precedent. Las datas da menaschi digl onn da gestiun precedent quentan sco basa per la fixaziun dalla taxa.

IV. Designaziuns communablas

Art. 12 Obligaziun d'annunzia

Midadas vid las indicaziuns sil formular da declaraziun ein d'annunziar all'administraziun communal Medel/Lucmagn.

Art. 13 Definiziun casa da vacanzas / mises

Edifecis ordeifer la zona da baghegiar valan sco tegias da mises. Edifecis ella zona da baghegiar vegnan differenziai denter casas da vacanzas/habitaziuns da vacanzas tochen 2 stanzas e casas da vacanzas/habitaziuns da vacanzas sur 2 stanzas.

Art. 14 Obligaziun da taglia duront igl onn

Ei ina persuna ella vischnaunca da Medel/Lucmagn buca puttamesta duront gl'entir onn all'obligaziun da pagar la taxa da hospes ni la taxa da turissem, ei in'eventuala taxa da pagar pro rata.

Art. 15 Taxaziun e facturaziun

¹La taxaziun e la facturaziun dallas taxas da hospes e dallas taxas da turissem succeda per tuts obligai mintgamai anticipadamein l'entschatta digl onn.

²Excepziuns valan els suandonts cass:

- a) per alloschaders el senn dad art. 10 lit. a) LT sa la summa debitada vegnir repartida en pliras ratas.
- b) sch'il rendaqueren per notg e persuna ei vegnius eligius, vegnan las taxas da hospes per singulas pernottaziuns tenor art. 9 lit 1 LT messas a quen (pils 30.06. e pils 31.12.) sin fundament dil formular da rendaqueren, il qual sto vegnir inoltraus meinsil.

Art. 16 Scadenza

Las taxas scadan cun la facturaziun. Ellas ein da pagar enteifer 30 dis dapi la scadenza.

Art. 17 Disposiziuns finalas e vigur

¹Per l'interpretaziun da quest'ordinaziun ei la versiun tudestga decisiva.

²Quest'ordinaziun remplaizza l'ordinaziun tier la lescha davart la taxa da cura per la vischnaunca da Medel/Lucmagn digl 1. da schaner 2017.

³Quest'ordinaziun ei vegnida approbada dalla suprastanza communala ils 26 d'avrel 2022 ed entra en vigur retroactiv cugl 1. da schaner 2022.

Il president communal:

Claudio Simonet

Il canzlist communal:

Valentin Pally

Exempels

Exempel 1

Signur e signura Meier han lur domicil da taglia primar a Turitg e possedan ella Val Medel ina habitaziun da vacanzas da 3 stanzas, la quala els drovan per els ed affitteschan jamnil. Suandontas taxas annualas sto famiglia Meier pagar, priu il cass ch'els sedecidan per la pauschala:

Pauschala annualala tenor art. 9 b) LT	frs. 200.—
Taxa fundamentala da turissem tenor art. 13 lit. 1 LT	frs. 50.—
Taxa da turissem tenor art. 13 lit. 2 LT	<u>frs. 80.—</u>
Total	<u>frs. 330.—</u>

Signur e signura Meier san incassar da lur hospes frs. 2.50 per notg e persuna. Quels daners ston buca vegnir dai giu alla vischnaunca.

Exempel 2

Signur e signura Tschuor possedan lur domicil da taglia primar a Cuera e possedan ella Val Medel ina casa da vacanzas da 4 stanzas. Els fan **bucă sez** diever dalla casa, affitteschan ella denton jamnil.

Suandontas taxas annualas sto famiglia Tschuor pagar, priu il cass ch'els sedecidan per la pauschala:

Pauschala per la taxa da hospes tenor art. 9 a) LT	frs. 120.—
Taxa fundamentala da turissem tenor art. 13 lit. 1 LT	frs. 50.—
Taxa da turissem tenor art. 13 lit. 2 LT	<u>frs. 80.—</u>
Total	<u>frs. 250.—</u>

Signur e signura Tschuor san incassar da lur hospes frs. 2.50 per notg e persuna. Quels daners ston buca vegnir dai giu alla vischnaunca.

Exempel 3

Signur e signura Müller possedan lur domicil da taglia primar a Genevra e possedan ella Val Medel ina habitaziun da vacanzas da 2 stanzas. Diever dalla habitaziun fan els e lur parents. Plinavon surlaian els da temps en temps la habitaziun gratuitamein ad enconuschents ed amitgs. La habitaziun vegn buca affittada commerzial. Suandonta taxa annuala sto famiglia Müller pagar, priu il cass ch'els se decidan per la pauschala:

Pauschala annuala tenor art. 9 b) LT frs. 200.—

Total frs. 200.—

Exempel 4

Signur Lutz posseda siu domicil da taglia primar ella Val Medel e posseda sur Curaglia in mises ch'el affittescha jamnil. Suandontas taxas annualas sto signur Lutz pagar, priu il cass ch'el sedecida per la pauschala:

Pauschala per la taxa da hospes tenor art. 9 a) LT	frs. 90.—
Taxa fundamentala da turissem tenor art. 13 lit. 1 LT	frs. 50.—
Taxa da turissem tenor art. 13 lit. 2 LT	frs. 30.—

Total frs. 170.—

Signur Lutz sa incassar da ses hospes frs. 2.50 per notg e persuna. Quels daners ston buca vegnir dai giu alla vischerna.

Priu il cass ch'ils locaturs els exempels sedecidan buca per la pauschala mobein pil rendaques per notg e persuna ston els quintar giu cun la vischnaunca da Medel/Lucmagn per els e per lur hospes frs. 2.50 per notg e per persuna. Vitier vegn la taxa da turissem messa a quen inaqa ad onn.